

续资治通鉴长编

续资治通鉴长编

續資治通鑑長編卷二百七十二

宋 李燾 撰

神宗

熙甯九年春正月戊午朔不視朝

己未廣南西路轉運司言交賊攻邕州效用入禦敵殺傷賊頗眾詔降東頭供奉官空名宣與經略司書填以賞獲首級及別有功之人餘優與支賜

辛酉廣南西路都監張守節爲交賊所敗於崑崙關先是蘇緘遣使詣桂州請救劉彝遣守節往援守節聞賊眾十倍逗留不卽行復迂取貴州路駐兵康和驛以觀勝負緘又遣使持蠟書告急於提點刑獄宋球球得書驚且泣以便宜督守節進兵守節惶遽不知所爲移屯

火夾嶺回保崑崙關猝遇賊不及陣一軍皆覆守節死之

癸亥詔廣南西路經略轉運司應控扼州軍並修城處土丁並給錢米修城者分番赴役非控扼處教閱滿一月罷上批目廣南西路有邊事東路並不聞設備其

令監司分定州軍嚴修守備遍作防禦是日癸亥上

批河東分畫地界公事韓縝李評候北使辭訖可降與

今來合分畫去處文字仰遵守施行仍早令起發此據

熙甯九年正月六日下去年十二月二十九日有御批云韓縝等見看詳文字處閑雜人不令放入又今年正月四月御批云見議伐北疆事文字甚時可了存此要見縝時在京師去年十二月二十六日縝除都承

乙丑雨木冰翰林學士權御史中丞鄧綰權知貢舉

知制誥鄧潤甫集賢校理同修起居注直舍人院蒲宗

孟並權同知貢舉

實錄於去年十二月
辛卯書此恐誤也

丙寅遣著作佐郎陳大順計置廣南西路芻粟試將作
監主簿歐陽濟言乞於京西沿江州縣輟穀二十萬石
應副廣南西路不足卽糴於民從之仍遣濟計置詔
安南招討司同石鑑周沃體量沈起劉彝安生邊事具
實以聞先是手詔中書沈起昨在廣西妄傳密受朝廷
意旨經略討交州又不俟詔擅委邊吏招接恩靖州儂
善美及於融宜州溪峒強置營寨虛奏言蠻眾同附旣
興版築果致叛擾殺土丁兵校官吏以千數今交賊犯
順宜獠內侵使一道生靈橫遭屠戮職其致寇罪悉在
起了無疑者朕爲人父母視此遠方無辜之民橫罹災
害深所哀悼沈起可貸死削奪在身官爵送遠惡州軍

編管未行而中書樞密院言劉彝亦相繼生事請罷屯
札兵致所招之人未堪使并造戰船止絕交趾人賣買
不許與蘇緘相見商量邊事及不爲收接文字令疑懼
爲變事恐不獨起而亦有可疑者乃並下招討司更訪
其實焉

去年十二月二十四日付周沃等二月四日起彝俱責

司農寺言熙甯

七年九月詔民兩經倚閣常平錢者罷支十一月詔改
兩經爲已經畿內去年災傷已經倚閣於法當罷矣然
今春雨雪應時宿麥皆茂乏困之民若不賑貸則殆將
失所請依前詔再倚閣者乃罷支上批今天下常平錢
穀十常七八散在民間又連歲災傷倚閣迨半若止務
多給計息爲功不計督索艱難豈惟官物虧失兼百姓
被鞭撻必眾可且依後詔行之

七年九月二十六日云云又此年正月二十三

日云云合
並參考

殿前侍衛馬步軍司言諸班人員經安南
招討司乞效用非便詔招討司召募三班使臣差使借
差並殿侍衛軍大將及諸色人等充效用其諸軍班人
員兵士別聽旨 熙河路經略使司奏河州山後首領
朗格占古勒察卜巴覺言果莊令朗格占等攻河州朗
格占等心欲內附與甥斯班同謀殺果莊未發而果莊
覺走歸塔南城朗格占率本族首領百二十一人來降
上批朗格占等相率出降仍斬不順蕃部首級及同謀
殺果莊不克河州雖已犒賞恐未足酬勞思順歸附眾
心可優與官資庶山後諸羌聞風相率內附河州邊備
稍得解散乃以朗格占爲內殿承制其餘首領補班行
及蕃官有差

己巳同管勾都水監公事范子淵言北京第六埽許村
港連二股河恐向去漲水復致漫溢爲患今欲自南岸
魚肋埽接治水埽增築一隄從之 詔罷檢計清汴

庚午命皇城使涇原路鈐轄姚兕引進副使熙河路鈐
轄李浩右驎副使秦鳳路都監兼知甘谷城兼第三
將張之諫內藏庫副使權發遣通遠軍楊萬左藏庫副
使權環慶路都監兼第三將雷嗣文鄜延路都監兼副
將呂眞供備庫副使環慶路都監兼第四將李孝孫內
殿承制鄜延路都監兼副將曲珍閣門祇候權發遣豐
州張世矩內殿承制河北第二十將狄詳西頭供奉官
閣門祇候京西第四副將管偉河東第七副將王愍並
充安南行營將副仍令招討司以見今差定軍馬分擘

統領其舊將副且於駐兵州軍管勾訓練

兇本傳兇將中軍珍本傳

珍為第一將六月三日實錄乃以珍為左第二副將

置熙河岷州通遠軍永甯

寨買馬場

詔江池等州鑄錢監於合入內藏庫錢入

十六萬三千五百賜三十萬緡付安南招討司充軍賞

餘付廣南西路應副軍興

新知廣州劉瑾言乞於江

西及本路募射生戶及勇力亡命者軍前效用所過州

軍亦許選募強勇以行詔送安南招討司仍令瑾不依

常制舉將官文臣共十人

宣徽北院使王拱辰上平

蠻雜議十篇詔送安南招討司

是日詔蘇緘兼廣南

西路經制賊盜溪峒公事溫杲同經制种諤添差廣南

西路鈐轄諤尋以主帥嫌隙不行改知岷州緘死於邕

州杲亦罷經制

此據正月十三日又三月五日御集并种諤傳

辛未幸集禧觀中太一宮燕從臣幸大相國寺御宣德

門召從臣觀燈是日上雖遊幸猶御便坐宣輔臣奏事

以化外蠻知蘇茂州韋守安知門州黃金滿儂順零並

為供備庫副使劉紀為左藏庫副使岑慶賓為內殿崇

班此條當考蓋先出官告以招納之彼未嘗來也郭逵

率郡兵峒丁三道進討永安州拔之左右江悉效順門

州首領黃金滿岑慶賓降按黃金滿岑慶賓降當在八月

注九月間今姑存此仍於二月十一日攻拔門州下具

賜空名告四十內殿崇班大理寺丞評事將作監主

簿告各十付安南招討司

壬申上批聞代州城壕乾淺可浚令深三十尺闊二十

五尺以皇城副使兼閣門通事舍人劉舜卿為西上閣

門副使知代州舜卿知代州乃十七日御集編修貢

即以浚壕事付舜卿今附見

舉敕式練亨甫言京東陝西河北河東京西到省舉人
並府監諸路諸科改應進士人欲各作一項考校以分
數均取從之 詔判都水監工部郎中侯叔獻減磨勘
二年以開引揚州陳公塘放水撥出淮南重綱之勞也
其元失擘畫官令轉運使奏効以聞
癸酉詔趙鼎且交割延州事與以次官速來赴闕皮公

弼病故也

此據御集

甲戌右千牛衛將軍令扁令志並爲右監門衛大將軍
令扁等以學士院試文論合格也 詔河北路市糧草
於定州百里內納 賜安南行營副都總管燕達公使
錢千五百緡八軍將副逐軍五百緡

乙亥中書言中書主事以下三年一次許與試刑法官

同試刑法第一等升一資第二等升四名第三等兩名
無名可升者候有正官比附減半磨勘餘並比附試刑
法官條例從之 詔赴安南行營諸軍過領者禁軍人
特支錢千廂軍七百不過者禁軍七百廂軍五百九將
軍馬除三將已行三將令隨招討司往三將令招討司
至潭州度遠近追呼司馬記聞云交趾正月二十一日
焚邕州二十三日回本峒今王師
前軍三將已達桂林一將暫戍長沙置局後軍三將分
屯荆鼎澧三州一將辰州不知是何月事今附注此當
考

丙子詔安南招討已差定馬步禁軍其在京虎翼即未
嘗依隊法團結兼恐河東陝西應募兵拆洗元結隊伍
可並令依隊法團結聞奏內軍員係都虞候已上者更
不團結並選充隊將 詔熙河路營田司洮西弓箭手

單丁所耕種不盡閑田權差廂軍官置牛具農器人給一項令堡寨使臣道路巡檢以時督其耕種收成輸官歲終與弓箭手較優劣賞罰如弓箭手可以耕種卽令依舊仍差管勾河州農田水利鈐轄李浩均度地土措置以聞

丁丑詔權增廣州公使錢至七千緡桂州至五千緡候邊事甯日仍舊

戊寅賜秦鳳等路常平坊場免役剩錢十萬緡赴熙河市芻粟又賜三司銀十五萬兩江南兩路常平錢十萬緡赴廣南西路轉運司以備軍需

己卯荆湖北路轉運使太常少卿集賢殿修撰孫桷爲右諫議大夫知桂州降詔獎諭以桷言招撫下溪州刺

史彭師晏并天賜州知州等投降及領兵修築下溪州

城堡畢工也於是師晏等十八人赴闕詔授師晏禮賓

副使京東州都監不簽書兵馬事餘皆補班行有差新紀

書下溪州刺史彭師晏及天賜州降舊紀察訪廣南

路常平等事檢正中書禮房公事太子中允集賢校理

徐禧權發遣荆湖北路轉運副使禧與王古馮宗道至

華亭鞠獄方具卽有此除詔兩浙提舉市易孫迪遷

一官賜錢百千兼提舉轉運使王庭老減二年磨勘勾

當公事曹彥侯及三考日循一資官吏依在京市易務

給賞以提舉市易司言比校迪等全年課息有羨故也

詔比者廣西軍興有本路已投狀指射差遣而反擅

離本路者依擅離官守條候事平日不用此法權發

遣熙河路經略司高遵裕言邈川溫錫沁見欲來降謀知夏人已在邈川之北若溫錫沁畏其迫逐而來拒之則非平日懷撫之意納之則夏人必有詞不敢專決詔溫錫沁乃受夏國俸給之人可無招納定州安撫司言蒙賜度僧牒三百回易收息以賞武藝兵士保甲乞更賜二百從之

庚辰遣同知太常禮院鄭雍祭告南岳陳侗祭告南海以討交趾師期中書奏乞常平錢穀歲給有餘而民有緩急闕乏許以已若保人物產爲抵而貸之詔常平錢穀若給外有餘又誘致人賒請是不容倉庫稍有存積必使盡散在民間如此徒有蕃息虛名甚不副元法國之財用取具本意自今倉庫常留一半餘方給散如

有餘卽遇民間非時闕乏許以物產爲抵支借依常平

限納

七年九月二十六日九年正月九日并此月合參
考司馬記聞云云具注七年九月二十六日中書

奏乞實錄乃不書
今以本志增入

詔廣南東路令許彥先福建路令

徐億差顧舸船舶載兵甲每路約可載萬人至秋末齊

集候事平日優與船主酬獎 詔廣南東西路知州見

闕處如無人願就卽便硬差候得替與減磨勘二年仍

堂除差遣 是日三叶交賊陷邕州蘇緘死之張守節

敗生獲於賊者數百人賊知北軍善攻城陷以厚利使

爲雲梯旣成爲緘所焚又爲攻濠洞蒙以生皮緘俟其

旣度縱火焚於穴中賊計盡稍欲引去而知外援不至

會有能士攻者教賊囊土數萬向城山積頃刻高數丈

賊衆登土囊以入城遂陷緘猶領傷卒馳騎苦戰力不

敵緘曰吾義不死賊手乃還州解闔門命其家三十六人皆先死藏尸於坎縱火自焚賊至求緘及其家遺骸皆不能得殺吏卒土丁居民五萬餘人以百首爲一積凡五百八十餘積并欽廉州所殺無慮十萬餘人並毀其城以填江邕州被圍凡四十二日緘率厲將士固守糧儲旣竭又歲旱井泉皆涸人饑渴汲漚麻汗水以飲多病下痢死者相枕而人無叛者緘憤沈起劉彝致寇彝又坐視城覆不救欲盡疏以聞屬道梗不通乃列起彝罪勝於市冀達朝廷初緘子子元爲桂州司戶參軍挈家往省父將還適聞有交賊緘以郡守家屬出城見者必以爲避賊則人有去心獨遣子元還桂州而留其妻孥至是俱死緘旣死交賊復謀寇桂州前鋒行數舍